

Athör cī gät kōc Itharel cī gam

Wet nom

Athör cī gät kōc Itharel, ee get tēnē akut kōc cī gam wäär duēr gamden wai wei, ku dhukkē gamden theer yic, rin cīi kōc juēc kē loikē nhar ku yekē ke kuōc ciēṅ. Ku keek aake ye raan gät athōōr ke deet puōth ē gamden yic. Ku nyuth ke lōn Jethu Krītho yen ē yic la cōk, ku ē yen acī Nhialic rot nyuōoth thīn. Wäär get yen athōōr ē wīc bī yith kadiāk deet kepuōth apei. (1) Jethu yen ē Wēn Nhialic akōlriēc ēbēn, ku yeen acī ben gum bī te yen Wun Nhialic theek thīn ṅic. Rin ye yen Wēn Nhialic, Jethu adīt tēnē kōc kāk Nhialic tīṅ cī gōt athōr theer wēl Nhialic yic. Ku adīt tēnē atuuc nhial ku tēnē Mothith aya. (2) Jethu acī Nhialic nyuōoth bī ya yen raandīt kāk Nhialic akōlriēc ēbēn, ku dīt tēnē kōc kāk Nhialic tō athōr theer wēl Nhialic yic. (3) Ku Jethu yen ē raandīt kāk Nhialic. Ku ē yen pīr ē yic beei tēnē ṅo. Ku lāai wäär ye kōc Itharel ke nōk, ku tewäär ye kek yanhden duōr thīn duēl yic, aa ye kiit yen aye kek pīr bī Jethu beei akōldā kieet.

Ku cōkdīt 11 yic, raan get athōōr ē kajuēc rin gam kōc theer cī gōt athōr theer wēl Nhialic yic lek kōc bā athōōr kuen, bīk kepuōth deet gamden yic. Ku cōkdīt 12 aaye lek bīk la tueṅ ke gam yet te thou raan ku cīk kekōth wēl Jethu. Ku gumkē kuat kārec lui rōt ke, ku nāak bī ben tēnē ke aya.

Wēl juēc tō athōr theer wēl Nhialic yic, aaye raan ē gät athōr kēnē tēnē kōc Itharel cī gam, lac mat thīn. Kek wēlkā aabī raan kuen athōōr ya yōk ciel kīt ṅāny ku kīt ē thiōk yiic (“”) Athōōr ē thōk ē wēēt ku lek.

Kāk tō thīn

Wet Nhialic acī Wēnde lek kōc 1:1-3
Jethu adīt ku aril tēnē atuuc nhial 1:4-14
Buōthku Jethu bī ṅo luōk la pan mac 2:1-4
Jethu acī ben bī ṅo luōk 2:5-18
Jethu adīt apei tēnē Mothith 3:1-6
Gamku wet Jethu buk rēēr ē duk 3:7-4:13
Jethu yen ē Raandan dīt apei kāk Nhialic 4:14-6:12
Athōn Nhialic ē yic 6:13-20
Melkidhedek 7:1-14
Raan det kāk Nhialic cīt Melkidhedek 7:15-28
Jethu yen ē Raandan dīt kāk Nhialic 8:1-15
Te ye Nhialic duōr thīn wātheer 9:1-10:18
Bāk lok tethiāk ke Nhialic 10:19-39
Gam 11:1-12:29
Te ye Nhialic miēēt puōu thīn 13:1-16
Thek kōckun dīt wēl Nhialic 13:17-19
Rōok ciēen 13:20-21
Wēl ciēen 13:22-25

Wet Nhialic acī Wēnde lek kōc

1 ¹ Wātheer Nhialic acī jam tēnē kōc kākke tīṅ bīk wetde lek wārkuan dīt arak juēc dhōl juēc. ² Ku emēn, ee Wēnde yen ē kākā lek kōc. Yen acī Nhialic thōn kāriēc ēbēn pinynhom, ku ē riel Wēnde yen ē looi yen kāriēc ēbēn tō thīn. ³ Wēn Nhialic yen ē dheṅde nyuōoth. Ku yen aye Nhialic tīc yeguōp ayic. Ee riel wet yen ē kāk tō nhial ku piny cōl alui cīt te cī yen ke cak thīn. Ee yen acī thou ba adumuōmkua laak wei yogup, ku ler ku nyuuc Bāānyde yic nhial cuēny Wun Madhōl.

Jethu adīt ku aril tēnē atuuc nhial

⁴ Kēya, Jethu adīt ku aril apei tēnē atuuc nhial, cimēn rin cī Nhialic gām ye bī ye a cōol ke, “Wēn Nhialic,” ye nyuōoth. Rinkā awār rin atuuc.

⁵ Rin acīn atuny cī Nhialic kaṅ lek yeen ēlā,

“Yīn ee Wēndie, akōlē, ṅen acī ya Wuur.”

Ku acīn atuny cī Nhialic kaṅ lek yeen aya ēlā,

“Yen abī ya Wuur, ku yīn abī ya wëndie.”

⁶ Ku wäär tuuc Nhialic Wänden bī thōn kākke pinyhom acī lueel aya älä,

“Yen adhīl atuuc nhial door.”

⁷ Ku kē cī Nhialic lueel rin atuuc nhial akīn,

“Acā atuuc nhial cak ke puōl gup cīmēn yom.

Ku cīmēn bir deŋ bīk yeen lac aa luōōi.”

⁸ Ku lueel Nhialic tēnē Jethu älä,

“Bäänydu abī cieŋ akōlriēec ēbēn, ku yīn abī ŋiec mac apath.

⁹ Yīn ee kōc luui kāpath nhiaar, ku yīn ee kōc luui kārec lac tem awuōc.

Ku ee yen kē cī Nhialic, yen Nhialicdu,

yī tāau tueŋ kōc nhīim rin cī yen yīn lōc ku gem yīn miet puōu ēbēn.”

¹⁰ Ku wēl theer Nhialic cī gōt aa jam älä rin ē Jethu,

“Beny wäär tueŋ cek kāŋ yīn acī piny cak, ku nhial aya ee yīn acī yeen cak.

¹¹ Kākkā ēbēn aabī liu akōldā, ku yīn abī tō thīn atheer.

Aabī dhiōp ku riēēkkē cīmēn alath.

¹² Aaba ya mat yiic cīmēn alanh cī riāāk ku cuet wei.

Ku war keek aya cīmēn aleth.

Ku yīn guōp, yīn acī rot bī kaŋ waar, ku yīn acī bī dhiōp.”

¹³ Acīn atuny cī Nhialic kaŋ lek yeen älä,

“Nyuc kōŋdien cuēc ku yen abī kōc aterdu guiir ku dhuōk keek ciēen yicōk.”

¹⁴ Na ye kēya, ya atuuc nhial kāŋō? Atuuc aa jak Nhialic luōōi ē path. Aaye tooc bīk kōc bī pīr akōlriēec ēbēn yōk, aa kony.

Buōthku Jethu bī yo luōk la pan mac

2 ¹ Kēya, yok aadhil yōpuōth tāau piny apeī ku piŋku wet Jethu apath, buk cī mer wei dhēl la pan Nhialic yic. ² Wet Nhialic wäär cī yen atuōōcke tooc bīk lōŋ lek Mothith, rin bī Mothith ye lek wārkuan dit. Kōc cī ben kuc bīk wet kēnē cī piŋ aacī ben tem awuōc. ³ Kēya, yeŋō bī yo gēl bī yo cī tēm awuōc aya, te cī yok wet bī yo kony ye Jethu lek kōc rin pīr akōlriēec ēbēn ye piŋ? Ee Jethu yen ē kōŋ wet pīr lueel. Ku yen acī kōc cī ye piŋ lek yo lōn ye yen yic. ⁴ Ku aye Nhialic nyuōoth akōlakōl lōn ye kākkā yith ē kākkith jāŋ gōi rōt looi yiic. Ku miōc juēc riel ye Wēi Nhialic yiēc kōc cī kākkā gam tecīt te wīc yen ye thīn.

Jethu acī ben bī yo ben luōk

⁵ Nhialic acī atuuc nhial bī looi bī ya kek la riel piny yen wīc bī ben guiir, piny yen jieem yok ēmēn.

⁶ Aacie ke, rin acī Debit lueel tēnē Nhialic älä theer athör waak yiic,

“Raan yeŋō, ku manh raan yeŋō, ye yīn yīnhom yiēc ye apeī kēlä?”

⁷ Wäär aca cōl atōu nhom ciēen kaam thin-nyōot tēnē atuuc nhial,

ku aŋot ca ben yiēc bääny ku tāau kēriēec ēbēn yecōk.

⁸ Ku wēn cī yīn kēriēec ēbēn tāau yecōk.”

Acīn kēnē cī nyāāŋ wei. Ku ēmēn acuk tiŋ lōn tō kēriēec ēbēn yecōk. ⁹ Ku yok aa Jethu wäär ca tōōu nhom ciēen tēnē atuuc nhial tiŋ ēmēn ke ye yen cī yiēc bääny. Yok aa Jethu tiŋ ke cī ya beny rin cī yen thou, bī raan ēbēn luōk ē piath Nhialic.

¹⁰ Ku ē yic bī Nhialic yen cī kēriēec ēbēn cak, ku cōl ke aa ciēŋ cīt te cī yen ke cak thīn, Jethu cōl agum, rin wīc yen ye bī kōc juēc kony ku yeth ke bäänyde yic pan Nhialic. ¹¹ Raan kōc cōl ala cōk, ku kōc ye looi bīk la cōk aala Wunden. Ku yen acī Jethu guōp ye yār bī ke aa cōl wāmāthakēn. ¹² Acī lueel tēnē Nhialic älä,

“Yen abī wāmāthkie lek kē ca looi, yīn aba leec amatden yic.”

¹³ Ku lueel aya,

“Yen abī Nhialic ŋōōth.”

Ku ben lueel tēnē Nhialic,

“Yen akīn, yok mīth ca gām yen.”

¹⁴ Jethu acī ya raan cīmēnda. Rin na le thou, ke gōk jōŋrac la riel ē thou. ¹⁵ Ku Jethu acī ben aya, bī kōc ke cīt aloony pierden yic akōlakōl ben wēer bei rin riōōc kek ē thou. ¹⁶ Kēya, adhīlku tāau yōnhīim lōn Jethu akēc ben bā atuuc nhial ben kony. Acī ben bī yo ben luōk, yok kōc cī gam cīmēn Abaram. ¹⁷ Ku rin ē wet

kēnē yen acī yen ciet ʒo, ʒok wāmāthakēn. Rin bī yen a Raan kāk Nhialic ʒer puōu luoi kāk Nhialic yiic. Ku rin bī ye juaar tēnē Nhialic ba adumuōōm pāl piny. ¹⁸ Aŋicku lōn bī yen ʒo kony te thōōc jōŋrac ʒo awuōc yic, rin yeen aya, ēcī jōŋrac them ku guum apei.

Jethu adit apei tēnē Mothith

3 ¹Wek miethakāi cī gam, wek kōc cī Nhialic cōol aya cīmēndie, awiēc bāk Jethu raan cī Nhialic tuōōc pinyhom ke ye Raandan dit apei kāk Nhialic, bī ʒo ben piōōc kāpuōth wic Nhialic ke buk ke gam, tak apath. ²Jethu ēcī wet Nhialic yen tooc ye gam, ku looi piānde ēbēn cīmēn wāār cī Mothith wet Nhialic gam, ku looi wāār cī Nhialic ye tāāu kōcken Itharel nhīim. ³Raan mac cak nhom aye leec apei tēnē kōc ē manyē. Ku kēya, Jethu aye leec apei tēnē Mothith. ⁴Mac ayī dhiēth ala raan ye cak nhom. Ku Nhialic yen ē cak kāriēēc ēbēn. ⁵Aŋicku ēbēn lōn cī Mothith wet Nhialic gam ku looi apath wāār ye yen alony Nhialic, wāār cī Nhialic ye tāāu kōc Itharel nhīim. Ku lēk ke kāk bī rōt looi akōldā. ⁶Ku Raan cī lōc ku dōc acī wet Nhialic gam ku mec manyde apath rin ye yen Wēnde. Ku ʒook kōc cī gam ʒok aa many Nhialic. ʒok aa manyde te le ʒok tueŋ ʒo deet ʒopuōth, ku nhieemku ŋōthdan bī ʒo luōk akōldā.

Gamku wet Jethu buk rēer ē duk

^{7–8} Kēya, Wēi Nhialic ē ʒook yōōk,

“Tāāukē wenhīim piny ku piēŋkē wetde ya akōl.

Ku duōkkē wepuōth wel wei tēnē yeen,

cīmēn wāār cī kōc Itharel kepuōth wel wei tēnē Nhialic

wāār them yen keek ror lieet,

wāār jiēl kek pan Ijip.

⁹Keek, aake cī kāk jāŋ gōi cī Nhialic looi rin bī yen ke kony tiŋ,

ku ŋot ke cīi wet Nhialic gam ten ruōōn thiārŋuan,

bīk ciet kōc ke them Nhialic, ku bīk te lir yen puōu thīn tiŋ.

^{10–11} Nawēn ke riāāk puōu tēnē keek ku kuēēŋ ku lueel,

‘Kōckā aacīi wetdie ben piŋ,

ku aacā bī puōl bīk te ca guiēr ke bī kek la rēer thīn ē duk, dōōt.’ ”

¹²Miethakāi, tietkē rōt bī cien raan tak kērac kamkun bī wet dhōl yic, ku wel yepuōu wei tēnē Nhialic yen tōu kēriēēc ēbēn yecin. ¹³Yakē rōt weet ē kamkun, ku deetkē wepuōth akōlakōl, te ŋot ye wek ye lēu bāk wepuōth dhuōk ciēen, cīmēn wet ye Nhialic lek we bāk looi yakōl, “Pālkē luoi adumuōōm, bī cien raan kuēeth jōŋrac wei, ku dhel wet Jethu yic.” ¹⁴Rin na mukku gamda apei akōlriēēc ēbēn, ku ŋōthku Nhialic cīmēn wāār gem ʒok ye buk Jethu buōōth, ke ʒok aa tōk kek Jethu. ¹⁵ʒok aabi dhēl Jethu buōōth yic te gam ʒok kē yeku kuen cī gōt athōr theer wēl Nhialic yic, ye lueel buk cīi kuec, ku buk cīi cīt kōc Itharel wāār cī kēn ē ye Nhialic lek ke ror lieet dhōl yic.

¹⁶ŋic kōc ke cī wet Nhialic piŋ ku dhālkē yic? Alēu ba ŋic lōn kōckā aa wārkuan dit, kōc Itharel wāār wet Mothith kenhīim wei leēŋ yic pan Ijip. ¹⁷Ku keek kōckā, cī Nhialic rac puōu tēnē ruōōn thiārŋuan, aye kērac yen aa cik looi. Kōckā aacī ben thou ku dōŋ guāpken ror lieet. ¹⁸Ku kē cī kek nhīim riel bīk wet Nhialic cīi piŋ, yen acī Nhialic puōu ben riāāk ku kueec, ku kuēēŋ bī kōckā te cī guiir bī kek la lōŋ thīn cīi dōt. ¹⁹Kēya, ayeku tiŋ lōn aa kēc Nhialic ben puōl bīk ē ten dōōt, rin kēc kek wetde gam.

4 ¹Adhielkē muk wenhīim lōn tepuōth wāār cī Nhialic thōn ʒo bī ʒok la lōŋ thīn ke ye, aŋot tiit yen ʒo thīn. Kēya acīn raan kuec bī lōŋ wāār cī thōn ʒo cīi yōk. ²Rin ʒok aacī Wet Puōth Yam piŋ cīmēnden. Ku keek aacī wet piŋ ku akēc ke kony, rin wāār piŋ kek ye aa kēckē gam. ³Ku ʒok kōc cī gam, ʒok aa lōŋ cī Nhialic thōn yōk, rin ʒok aacīi cīt wārkuan dit wāār cī wet cī Nhialic thōn keek piŋ ku cik gam, go lueel ēlā, “Kēya, ʒen acī puōu riāāk ku kuēēŋ, ‘Lōn kōckā aacīi bī la te bī kek la lōŋ thīn.’ ” Ku lōŋ ye Nhialic lueel ē tō thīn theer wāār cī yen piny cak. ⁴Rin ayeku yōk aya athōr theer wēl Nhialic yiic lōn cī Nhialic lōŋ luōide yic akōl ye nin dhorou, tewāār cī yen nhial ku piny cak ku kāk tō nhial ēbēn thōl. ^{5–6}Cīt lōn cī Nhialic ye lueel, “Kōckā aacīi bī la ten lōŋ.” Ku kōc ke cī wet kēnē kaŋ piŋ aa kēc ben la ten lōŋ rin cī kek wet Nhialic dhōl yic. ⁷Ku Nhialic ē cā akōl det looi. Ku ē yen akōlē yen cī yen jam tēnē Debit wātheer, cīt te cī ye gāt thīn athōr theer wēl Nhialic, “Na piēŋkē Nhialic rōl ke cōt akōlē, ke duōkkē kuec cīmēn kōc theer.”

⁸Kēya, duōkkē tak lōn cī wārkuan dit, pan wāār cī Nhialic lueel bī kek la lōŋ thīn dōōt wāār ʒeet kek pan kanaan, kek bānyden Jocua wāār cī ben a beny Mothith cōk. Duōkkē tak, rin na ke cī pan cī Nhialic luōi ke

dööt, nuöt akëc Nhialic ben lueel lön le yen aköl det bi koc cī wetde gam, bi kek la löñ thin ke ye, ben. ⁹Ee yic! Anjicku lön not bi yen la löñ tēnē koc wet Nhialic gam, cīmēn wäär cī Nhialic löñ nün kadātem cök wäär cek yen pinyhom. ¹⁰Rin raan cī löñ cī Nhialic thön yök, abi löñ luoide yic, cīmēn wäär cī Nhialic löñ luoide yic. ¹¹Këya, luuiku apath buk löñ kēnē yök, rin bi cien raan tök kamkua mär, cīmēn wäär cī wärkuan dit kuc bik wet cī gam. ¹²Wet Nhialic arer thin ku alui pierda yic akölaköl. Wetde aril apei, ee lööny koc puöth bi kápath ku käreec tö yopuöth tek thook. Acit tñj moth dhie riñ teem bi yom la tek thook. ¹³Acin kë lëu bi thiaan tēnē Nhialic. Anjic kë cī cak ku adaai keriëec ebën. Acin kë lëu raan bi thiaan tēnē ye. Ku ë yen aye ben lek käreec.

Jethu yen ë raandit apei kāk Nhialic

¹⁴Jethu Wēn Nhialic, yen ë raandit apei kāk Nhialic reer kek Nhialic. Na ye këya, ke yo muk gamda apath. ¹⁵Raandan dit apei kāk Nhialic acie yepuöu ë pen yo cok alon ye yok luui käreec. Rin yeen ecī jñrac them aya ë dhöl juëc yiic cīmēnda. Ku acin awuöc cī looi. ¹⁶Lokku tēnē Nhialic cī nyuc thönyden dhēñj nom ke yo cī riöc. Teen, yok aabi lier puöu yök, ku yokku dhēñj bi yo kony te wic yok kuöony.

5 ¹Raandit kāk Nhialic theer ë ye kacke kuany bi ya jam tēnē Nhialic rin koc ebën. Ku nek kñj bi yen ke Nhialic door rin bi Nhialic kākken rec yekē looi päl piny. ²Ku yeen aya, ee ye luui käreec akölaköl rin ye yen raan. Ku këya, alëu bi koc cī mää, ku koc cin kë njickē nuään. ³Ku rin cī beny ye riel apei wet Nhialic yic, ee kñj nöc bi yen ke Nhialic door rin käreec ye kacke looi, ku rin káraacke aya. ⁴Acin raandit kāk Nhialic rot kuany ë rot. Ee Nhialic ë rot yen ë raanden cī tak löc cīmēn wäär löc yen Aron.

⁵Këya, Bänyda raan cī löc ku döc ecī bäny ye yen raandit kāk Nhialic rum. Ee Nhialic yen ë löc ye wäär lueel yen ye elä, “Yin ë Wēndie, Ya akölē, yen aci ya Wuur.” ⁶Ku aci göt athör theer wël Nhialic yic lön cī Nhialic ye lueel aya aköldet elä, “Yin aci löc ba ya raan kāk Nhialic akölrüëc cīmēn Melkidhedek.”

⁷Wäär ciñj Jethu pinyhom, ecī röök apei tēnē Nhialic, ku cöl Nhialic ke dhiau, Nhialic lëu ye bi kony thou yic. Ku yen aci Nhialic ben kony rin yen Jethu yök ke loi këden wic. ⁸Na cok alon ye Jethu Wēn Nhialic, ke yeen aci dhiel ben gum bi kë wic Nhialic yen bi looi dhiel njic bi wët. ⁹Ku wēn cī yen jäl a raan la cök, cī luoide lëu, aci ben aa raan ye pir akölrüëc ebën yök thin ë koc wetde piñ ku loikē. ¹⁰Ku ë yen kë cī Nhialic ye ben nyuöth koc ebën, lön ye Jethu Raandit apei ë kāk Nhialic akölrüëc ebën cīmēn Melkidhedek.

¹¹Ala wël kök ril kek ba lek we ë wëlkä cök, ku aril yic ba ke teet yiic rin wek aacit koc la yith adök, cī kñj ye piñ. ¹²Na we cī wepuöth päl piny, nuöt wek aa koc kök piöoc wet Nhialic emēn, rin ten gam wek ye bāk aa koc cī gam aci mec. Ku wek aaci dhuk ciēñ, arek nadē ke wek aa wic koc ben we piöoc wël tueñ Nhialic wäär cak kañ njic. Wek aacit mīth kor not ke dhil muk ë ca, këc guo dit bik mīth mīth ril köth. ¹³Ku raan not cit manh koor muk ë ca, aye nyooth lön këc yen wet Nhialic deet apath. Anot cit manh kuc kēpath ku kērac. ¹⁴Miēth ril köu ee kēn koc cī dit, koc cī röt piöoc bik kápath ku käreec njic.

6 ¹Lokku tueñ buk we piöoc wël bi we cöl anjic kajuëc. Acä wic ba we piöoc kāk wäär wiëckē bāk ke njic bāk aa koc cī gam. Acä wic ba ben lek we bāk wepuöth dhuök ciēñ rin adumuömkun ku bāk Nhialic gam. Käkka aa njickē ke theer. ²Piöoc rin lökwēi, ku piöoc bi cin täau koc nhim bi Wēi Nhialic lööny koc gup. Ku jöl a piöoc bi Jethu kacken cī thou ben jöt bei thou yic aköl le yen dhuk pinyhom, bi luk ben looi kam koc cī wetde gam, ku koc cī jai wetde. Piöoc cit kēnē acie yen path bi ya dhuök yic tēnē we akölaköl. Kek aa kāk ye ke piöoc jöck. ³Apath buk la tueñ buk kajuëc kök njic rin Jethu. Ku ë yen kë buk looi te pel Nhialic ye.

⁴Rin acī rot lëu bi koc cī jäl gamden yic cöl aa ben kepuöth dhuök ciēñ. Keek aake cī yic kañ njic, ku njickē pir yam cik yök tēnē Raan cī löc ku döc, ku Wēi Nhialic. ⁵Ee cik njic lön puöth wet Nhialic, ku tñjkē kāk jñgöi. ⁶Ku kāk loikē ke emēn, aa ben kek Wēn Nhialic piäat tim cī riü köu, ku reckē guöp koc nhim ebën.

^{7–8}Raan cī wet Nhialic gam piände ebën athöñ ke dom dhie la tiöom path, ee piü yiöi na tueny deñ ku pur ke lok apath. Raan cit kēnē aye Nhialic puöu miet tēnē ye, ku kony bi pir akölrüëc ebën yök. Ku dom ye puur ku la kuöth cil thin, acit raan ye lek wet Nhialic ku cī piñ. Raan cit kēnē aye Nhialic tem awuöcdit bi yen reer pan mac akölrüëc.

⁹Na cok alon cī yen we gät athör kēnē wek mähkie, ka njic wek aa not we la tueñ apath. Wek aa not we kuany dhel pir akölrüëc ebën yic. ¹⁰Nhialic acie mitil nadē ke mär nom kapuöth cak looi, ku te nhieer wek ye thin cak nyuöth ye kāk cak looi yiic, ku kāk not ke luikē ke emēn rin kacke. ¹¹Ku wek aa wicku bi njek la tueñ ke loi kápath cit kapuöth theer akölaköl yet aköldä. Rin bi kë njöthkē yenhom tieñj. ¹²Awicku bāk röt cī dak luoi kápath yiic. Awicku bāk ciet koc wäär cī gam, yet te yok kek kēpuöth wäär cī Nhialic thön ke.

Athön Nhialic ë yic

¹³ Wäär lueel Nhialic ye lön bī yen Abaram gām mīth juēc, acī rot kuēēŋ rin cīn yen raan det dīt tēnē yen bī ye kuēēŋ ë rienke. ¹⁴ Ku lueel, “Yīn alek yic! Yīn aba dōoc ku gām yī mīth.” ¹⁵ Go Abaram tiit ku ŋōōth kē cī Nhialic rot kuēēŋ yet te cī kēnē yenhom ben tieēŋ. ¹⁶ Te kuēēŋ raan, ee kuēēŋ rin raandīt tēnē ye. Ku kuēēŋde aye gam. ¹⁷ Ku ë wīc Nhialic bī cōl ala gei, lön bī yen kē cī thōn guōt nhom ke cīi war yic. Ku kuēēŋ bī wetde dhiel a yic. ¹⁸ Nhialic acī ŋo lek kāŋ karou, athön ku kuēēŋ, lön bī yen welke muk nhīim. Ku rin ë kākka karou, aŋicku lön ye athön yic. Keek aacie rōt ye waar ku Nhialic acie lueth ye lueel. Nhialic acī kēnē lueel bī ŋo deet puōth apeī lön bī ŋāthda tēnē Nhialic yenhom tieēŋ. ¹⁹ Ku rin ŋāthda tēnē Jethu yen aye ŋok thōny Nhialic dōōt, tewäär cī Jethu la thīn ŋonhīim tueŋ bī la rōok ku leŋ Nhialic ë rienkua.

²⁰ ŋōōth ye ŋok Nhialic ŋōōth kāpuōth cī thōn ŋo rin weikua yen ë ŋo muk puōth, rin Jethu acī ŋo wat nhīim pan Nhialic. Ku yeen acī jāl a raandīt apeī kāk Nhialic cīmēn Melkidhedek, akōlriēc.

Melkidhedek

7 ¹ Melkidhedek ë ye benyđīt gen cōl Thalam, ku yen aya ë ye raandīt apeī kāk Nhialic Madhōl. Nayōn akāl tōk ke piŋ lön cī Abaram la dhuk tōŋ yic ke cī tōŋ bāny wuōt kaŋuan cop. ² Go Abaram Melkidhedek juer tōŋ thiäär kāk cī ke la peec tōŋ yic. Melkidhedek, wetde yic, “Beny la cōk.” Ku ë ye beny dōōr aya. Cīmēn rin genden cōl Thalam, wetde yic, ee “Dōōr.” ³ Acīn wun ku man ku kuat. Ku ten jōok pierde rot thīn ku le thōk acīi ŋic. Arēer ke ye raan kāk Nhialic akōlriēc cīmēn Wēn Nhialic.

⁴ Jalkē tīŋ te diit Melkidhedek thīn! Agut Abaram guōp, raandīt wārkuan dīt theer, acī tōŋ thiäär kākken wäär cīk la peec tōŋ yic, juer ye. ⁵ Alēu raan bī gam lön ye kē cī Abaram ajuēr gām Melkidhedek yic, ten ye Melkidhedek raan Lebī, kuat Abaram kek kōc kāk Nhialic ë kōc Itharel wäär tōk thiäär yic juaar tēnē kacken cīt lōŋ Mothith. ⁶ Ku yen Melkidhedek acie raan kuat Lebī, ku aca ajuēr ben lōōm tēnē Abaram ku cuēt piu. Ku Abaram acā athön Nhialic yōk. ⁷ Ku aŋicku aya lön raan yen kōc dōoc, awār raan ben tēnē ye bī ben dōoc. ⁸ Ku det aya, kōc kāk Nhialic wäär ajuēr kuany, aake ye kōc ë path, aacī ben thou cīmēn bī ŋok thou, ku aye athör theer wēl Nhialic lek ŋo lön Melkidhedek apīr. ⁹ Alēu buk lueel lön ye Melkidhedek raandīt apeī kāk Nhialic tēnē kōc Lebī, kōc kāk Nhialic. Rin Abaram wundīt kuat Lebī, yen acī tōŋ thiäär kāk wäär cīk la peec tōŋ yic juer Melkidhedek. ¹⁰ Kēya, alēu bī lueel lön kōc Lebī aacī tōŋ thiäär juer Melkidhedek aya, rin ye kek kōc riem Abaram.

¹¹ Na lēu kōc Lebī, kōc kāk Nhialic bīk ŋo cōl aala cōk, ŋuōt acīn det ben raan det kāk Nhialic cīmēn Melkidhedek ben, raan cīi cīt Aron, raandīt kāk Nhialic wäär ë kuat Lebī. Ku kōc Lebī, kōc kāk Nhialic aake buōth lōŋ Mothith yic. ¹² Ku aa kēc ŋo ben cōl aala cōk. Ku kēya, acie raan det kāk Nhialic yen wicku ë rot, ŋok aa wīc lōŋ det yam aya. ¹³ Jethu Bānyda, raan jieem ŋok rienke ēmēn, ee cie raan dhiēnh Lebī. Ku acīn raan tōŋ kuatde cī kaŋ a raan kāk Nhialic, ee Nhialic door yīk nhom. ¹⁴ Aŋicku lön Bānyda Jethu ë raan dhiēnh Juda. Ku akēc Mothith puōl bī kōc dhiēnh Juda ya kōc kāk Nhialic.

Raan det kāk Nhialic cīt Melkidhedek

¹⁵ Acī jāl la gei apeī ēmēn, te le raandīt det kāk Nhialic cīt Melkidhedek tuōl. ¹⁶ Raan kēc aa raandīt kāk Nhialic cīt lōŋ cieēŋ kōc pinynhom, acī ya raandīt kāk Nhialic cīn kē bī rielden pīr akōlriēc ēbēn kaŋ rac. ¹⁷ Rin aye athör theer wēl Nhialic lueel ēlā ë rienke, “Yīn abī ya raan kāk Nhialic akōlriēc ēbēn cīmēn Melkidhedek.” ¹⁸ Ku lōŋ theer wäär acī puōl acīi ril. Acie kōc ë kony. ¹⁹ Rin lōŋ Mothith acie kōc cōl aala cōk. Ke ēmēn ŋok aala lōŋ yam ŋo cōl aŋōōth lön bī ŋok thiōk kek Nhialic.

²⁰ Ku det, Nhialic ecī kuēēŋ aya kēde. Ku acīn kōc kōk cī ya kōc kāk Nhialic cī yen kuēēŋ kēden. ²¹ Ku Jethu acī ya raandīt kāk Nhialic apeī rin cī Nhialic kuēēŋ wetde wäär lueel yen ye ēlā, “Yēn acī kuēēŋ ku acā bī waar yic. Yīn ë beny akōlriēc ēbēn.” ²² Rin ë kuēēŋ kēnē yen acī ŋok ye ŋic lön lōŋ dōōr ë yam cī Nhialic looi ë Jethu, ya kēpath.

²³ Ku det cīi kek thōŋ akīn. Kōc kāk Nhialic theer aake ye juēc, rin na cī raandīt kāk Nhialic thou, ke raan det ala nyiende. ²⁴ Ku Jethu apīr akōlriēc ēbēn, luōiden ë yen raandīt kāk Nhialic acie rot ye waar. ²⁵ Jethu ala riel dīt bī kōc buōth dhōlde yic kony ēbēn, kōc wīc ye bīk la tēnē Nhialic. Rin ë rēer ke lāŋ Nhialic ë rienken.

²⁶ Jethu yen ë raandīt kāk Nhialic cī kākkuā lēu. Arēer ke dhēēŋ Nhialic, acīn guōp adumuōōm, ku yen acī Nhialic tek bei tēnē kōc kārec looi, ku tēu kāk cī cak nhīim ēbēn nhial. ²⁷ Yen acīi thōŋ kek kōcdīt kāk Nhialic wäär ŋōk nōk ruōōn thok ēbēn, rin bī adumuōōmken ku adumuōōm kacken pāl piny. Jethu acīi thōŋ

ke ke. Acī rot juaar arak tōk wäär thou yen tim cī riū kōu rin adumuōm kōc ēbēn. ²⁸ Kēya, alēuku buk ŋic lōn kōc kāk Nhialic wäär ē luui dhōl lōŋ Mothith aake cī la cōk. Ku athōn Nhialic cī yen kuēēŋ wäär lōŋ Mothith ēbēn cōk, acī Wēnde looi bī ya raan la cōk akōlriēec ēbēn.

Jethu yen ee raandan dīt kāk Nhialic

8 ¹ Wet ril yen wīcku buk lēk we, ee lōn le yōk raandīt kāk Nhialic cī nyuc lōŋ cuēc thōny Nhialic Madhōl nhom nhial. ² Jethu alui ke cīt raandīt kāk Nhialic, te rēer dhēēŋ Nhialic thīn ayic ten ē looi Beny ke cie raan.

³ Ku cīt lōn ye raandīt kāk Nhialic kuany bī kāŋ aa juaar ku nek yōk tēnē Nhialic, ke raandan dīt kāk Nhialic aya adhīl la kē ye juēr Nhialic. ⁴ Ku na Jethu rēer pinynhom, ŋuōt akēc kaŋ a raan kāk Nhialic, rin kōc kāk Nhialic, ke ye Nhialic nāk yōk cīt te ye lōŋ Mothith luel ye aake tō thīn. ⁵ Ku luoi yekē looi kek kōc kāk Nhialic kā, ee ye kiūt yen ē ye kek kāk ye looi nhial te rēer dhēēŋ Nhialic thīn kiēet. Ku yen athōŋ kek luoi Mothith. Rin wäär wīc yen ye bī duēl looi ēcī Nhialic lēk ye ēlā, “Adhīl ŋic lōn yīn adhīl kāŋ looi ēbēn cīt tēden wäär ca nyuōth yī ē gōt nhom.” ⁶ Ku Jethu ēmēn, raandīt kāk Nhialic acī gām riēdīt yen luui wār riēden. Rin dōōr yam cī looi kam Nhialic kek kacke aŋuēen apeī, rin dōōr yam aa rēer kāpuōth cī Nhialic thōn yo thīn.

⁷ Na lōŋ dōōr tueŋ wäär la cōk ŋuōt acīn kē cī Nhialic lōŋ det ben wīc. ⁸ Rin ēcī Nhialic yōk lōn lōŋ dōōr tueŋ ēcī path tēnē kacke, go lueel ēlā,

“Nīn aacī thiōk, lueel Beny,

te bī yen lōŋ dōōr yam looi kek kōc Itharel ku kōc Juda.

⁹ Acī bī ciet dōōr tueŋ wäär ca looi kek wārken dīt akōl wäär nyēei yen keek pan Ijip.

Aake kēc lōŋ dōōr ca looi ke keek muk nhom apath, guō kuc ē keek, lueel Nhialic.

¹⁰ Ēmēn, dōōr ba looi kek kōc Itharel nīn bī ben cōk akīn, lueel Beny.

Yen abī lōōŋkie tāau kenhīim ku kepuōth.

Yen abī ya Nhialicden ku yekē kackie.

¹¹ Acīn raan ē kamken bī miethakēn ben piōōc, nadē ke lēk kōcken ē baai, ‘Ŋic Beny.’

Rin keek aabā ŋic ēbēn, meth ku raan dīt.

¹² Yen abā adumuōmken pāl piny, ku cā kāracken ben kuēec nhīim.”

¹³ Jalkē tīŋ ēmēn, wēn lueel Nhialic yen ka bī lōŋ dōōr yam looi, ee ŋic lōn cī lōŋ dōōr theer path, ku aŋicku aya, na cī kēdāŋ riāak apeī ka cīn kē kuny kōc.

Te ye Nhialic duōr thīn wātheer

9 ¹ Lōŋ dōōr tueŋ ē la tēden ye Nhialic duōr thīn, ku te ye Nhialic door thīn ēcī looi aya pinynhom ten. Kōc kāk Nhialic Lebī aake ye Nhialic door yōn cī puōl bī ke Nhialic ya door thīn, ku duēl aake tō pinynhom ē ten. ² Duēl ye Nhialic door thīn ē ye looi ke ye yīc rou. Yōn ye kaŋ yōk te le kōc duēl yīc, ee cōl Teyaath ē Nhialic. Ku lōŋ kēnē, many adōk ē dēp ē ye tōōu thīn, ku agen ye ayum cī juer Nhialic tāau yenhom aya. ³ Ku yōn tō alanh cī duēl tek yīc kōu, ee cōl yōn Yaath apeī ē Nhialic. ⁴ Ku ē yōn kēnē yen arēer agen thīn, agen cī tōc nhom milāŋ tōc ye raan kāk Nhialic Lebī adōŋ ŋīr cī took tōōu yenhom, ku ē yōn kēnē aya yen arēer rōŋdīt tet, ye cōl Rōŋ Lōŋ ē dōōr thīn. Ku yen arēer tōny mana thīn, ku wai Aron ē ye rēer thīn aya. Wai kēnē ēcī Nhialic cōl acīl kōu ayōr ku looi yōōk cōk alōn ee yen tim theer cī riel. Ku aleel dīt tet karou cī lōōŋ Nhialic kathīāar gōt thīn, aa tō thīn aya. ⁵ Ku ē rōŋ dōōr kēnē nhom, atuuc nhial karou cī kiēet, cōl Kerubin ē diik aake tō thīn. Ku keek aake ye Nhialic nyuōth. Aake la kōth wuōk dīt rōk kum nhom ten yen ye cōl, “Pel Piny Kārec.” Rin ten, arak tōk ruōōn yīc, raan dīt kāk Nhialic ē ye kōc wiēth rim kē cī nōk tēnē Nhialic rin be adumuōmke ku adumuōm kacke pāl piny. Ku ēmēn acā wīc ba kājuēc kōk ŋīec rin ee kēnē teet.

⁶ Kēya, kōc kāk Nhialic aake ye Nhialic door cīt te cī guiēr ye. Aake ye la yōn tueŋ bī kek Nhialic aa la door thīn. ⁷ Ku yōn yaath Nhialic, ee raandīt kāk Nhialic yen ē la thīn ē rot, bī la rōōk thīn arak tōk ruōōn tōk yīc. Te le yen yōt, ee riem weŋ cī juer Nhialic muk bī la wiēth yōt, bī Nhialic awācke ku awuōōc ye kacke

7:27Leb 9:7 8:1Wk 110:1 8:5B.bei 25:40 8:8-12Jer 31:31-34 9:2B.bei 26:1-30; 25:31-40, 23-30

9:3B.bei 26:31-33 9:4B.bei 30:1-6; 25:10-16; 16:33; Kn 17:8-10; B.bei 25:16; L.rou 10:3-5 9:5B.bei 25:18-22

9:6Kn 18:2-6

looi ke kuckē päl piny. ⁸ Aye Wēi Nhialic nyuōth yo ē kēnē yic lōn nadē ke dhēl la yōn yaath Nhialic ē yic, aṅot kēc ṅaany thok cīt lōn ṅot kōc lui dhēl theer. ⁹ Kē lēuku buk deet ē kēnē yic aya ēmēn, ee lōn nadē ke riem weṅ cī juer Nhialic ye wiēth kōc, aacie kōc ē Nhialic door ye looi bik puōth la cōk. ¹⁰ Kākkā ēbēn aa kāk lōṅ theer, lōṅ ye kāṅ nōk ku cuet ke ē path. Ku kājuēc kōk ye looi bī awuōc laak wei, aa kōc gup path ayeer kek aaye lōk. Kākkā aa lōṅ ke reer thīn theer cīn kē yekē kony yet te bī Nhialic dhēl yam, dhēl adumuōm nyaai kōc puōth guiir.

Lōṅ yam cī Jethu thany ē riemde

¹¹ Jethu aci ya raan dīt kāk Nhialic. Kājuēc path cī ben pinyhom rin cī yen la duēl dīt la cōk ē Nhialic yic, duēl cīi loi kōc cin pinyhom ē ten. ¹² Wäär le Jethu duēl yic, ēcī la te dhēṅ apei arak tōk bī rēer thīn akōlriēc ēbēn. Ku wäär le yen ē tēen acie riem thōk ayī riem weṅ yen cī la wiēth duēl yic. Ee riemde yen ēcī juer Nhialic rienkua bī yo luōk akōlriēc ēbēn alanden. ¹³ Wāthēer kōc kāk Nhialic aake ye riem thōk ku riem muōr lōom bī kek kōc wiēth, rin bī awācken päl piny. Ku keek aya aake ye manh weṅ ē dōu nōk ku nyopkē abī ya col. Ku liōrkē ē piū ku wīth kek kōc la gup adumuōm rin bī adumuōmken wuōṅny wei. ¹⁴ Na ye kēya, bī riem Raan cī lōc ku dōc yiēndē, cī adumuōmkua bī laak wei yopuōth, ku buk lēu buk Nhialic pīr ya luōi? Ku riel Wēi Nhialic yen aci Raan cī lōc ku dōc rot juēr Nhialic ē rienkua. Kēya, ajuēr la cōk cīn diu.

¹⁵ Ku rin ē wet kēnē yen aye Jethu raan yen loi lōṅ dōōr yam, rin bī kōc wäär cī Nhialic thōn pīr akōlriēc ēbēn, pīr yōk. Kēnē abī rot lēu rin cī Jethu thou bī kōc waar kārec yiic, kāk wäär cī looi lōṅ dōōr tuēṅ yic. ¹⁶ Kēnē athōṅ kek raan kākke cieen te bī lōk tek ke te le yen thou. Ee kē bī ṅek ē miethke yiic lōk lōom te le yen thou than piny. ¹⁷ Ku acīn raan kēdāṅ guo nyaai te ṅot pīir yen. Ku na le thou ke kāwēn cī dōṅ aaye ṅek kē cī tek ye jāl nyaai. ¹⁸ Agut lōṅ dōōr theer aya, awīc bī kēdāṅ kaṅ nōk bī riem kuēr bī te door Nhialic thīn jāl la cōk. ¹⁹ Mothith ē ye kōc kaṅ lek lōōṅ Nhialic ēbēn. Ku jōl riem miōōr ku thōk cī nōk liāap ē piū, ku wīth athōr cī lōōṅ gōt thīn ku kōc. ²⁰ Ku lueel, “Kēnē ē riem lōṅ dōōr, lōṅ cī Nhialic lek we bāk muk apath.” ²¹ Ku Mothith ē ye duēl ku kāyaath ye tōōu thīn wiēth riem aya. ²² Kēya, cīmēn lōṅ theer, yōk aake ye nōk bī riemden lōom bī kōc kōc, ku na cīn kē nāk bī riem kuēr ka adumuōm aaciī pel piny.

²³ Duēl ye Nhialic door thīn ku kōk tō thīn ēbēn, aake ye kāk ye duōr ē yic tō pan Nhialic kieet, rin ye kārec tō kōc gup wuōṅny wei rin yōk ye nōk ē path. Ku luoi ē yic nhial tēnē Nhialic, adhīl wīc ajuēr la cōk, ²⁴ Kēya, Raan cī lōc ku dōc akēc la duēl ye Nhialic door thīn yic, duēl looi raan pinyhom ē ten kēcīt kiīt ye ke kārec wuōṅny wei kōc gup rim ē yōk. Yeen nhom guōp aci la pan Nhialic, ku areer thīn ke lōṅ Nhialic ēmēn rienkua. ²⁵ Raandīt kāk Nhialic kuat Lebī ē ye duēl la wiēth riem kē cī nōk cie riemde arak tōk ruōōn thok ēbēn. Ku Jethu akēc rot juaar arak juēc, aci rot gam arak tōk giliṅ. ²⁶ Ku ēmēn aci ben arak tōk cīt te cī Nhialic ye guīeer thīn bī rot ben juēr Nhialic bā adumuōm nyaai. ²⁷ Cīmēn ye raan thou arak tōk ku yeth luk yic arak tōk Nhialic nhom, ²⁸ Jethu aci gam bī thou arak tōk bī adumuōm kōc ēbēn nyaai. Ku abī ben dhuk ku aciī bī ben thou rin adumuōm, ku ē rin bī yen kōc ṅōth ye ben luōk.

10 ¹ Lōṅ theer Mothith, ee kiīt yen ē ye kāpuōth bī rōt looi akōldā kieet. Ee cīi thōṅ kek kāpuōth cī ben kek Jethu raan cī lōc ku dōc. Kāk ke ye nāk Nhialic ruōōn ēbēn cīt ten lōṅ theer, aake cie kōc ke ye Nhialic door col aala cōk. ² Na kāk ke ye nāk Nhialic kōc col aala cōk, ṅuōt kōc akēc la tuēṅ ke ye kāṅ nāk Nhialic. Rin ṅuōt kākkā aake bā adumuōm kōc Nhialic door wuōṅny wei arak tōk, ku cik ben ya tak lōn le kek gup adumuōm. ³ Ku keek aake ye kāk yekē nāk Nhialic ruōōn thok ēbēn, col aa takkē lōn le kek gup adumuōm. ⁴ Rin aciī rim yōk ku rim thōk ye nōk lēu bik adumuōm wuōṅny wei.

⁵ Kēya, ēcī Raan cī lōc ku dōc lek Nhialic wäär bīi yen pinyhom ēlā,

“Yīn aciī wīc kāk ye nōk ku kāk ye juer yīin,
rin cī yīn ya gām guōpdien bī juaar tēnē yīin.

⁶ Yīn acie puōu ye miet yōk ye nāk yīin tedē ke ye kāk ye juer yīin bik adumuōm nyaai.

⁷ Ku lueel, yēn akīn ba kē wīc looi Nhialic Madhōl,
cīmēn cī ye gōt rienkie athōr lōṅ theer yic.”

⁸ ēmēn, tāāukē wepuōth piny ku takkē wet cī Jethu lueel tuēṅ ēlā, “Yīn aciī wīc, ku tedē yīn acie puōu ye miet tēnē kāk ye juaar, ku kāk ye nāk yī bik adumuōm nyaai.” Aci lueel kēlā cōk alōn ye kāk ye juaar looi cīt te ye lōṅ ye lueel thīn. ⁹ Ku lueel, “Yēn akīn Nhialic Madhōl, ba kē wīc ba looi, looi.” Kēya, Nhialic aci tetheer ye ye duōr thīn puōl, ku ween Raan cī lōc ku dōc thīn, bī riemde kuēr rin bī adumuōm kōc ēbēn nyaai. ¹⁰ Jethu raan cī lōc ku dōc aci kē wīc Nhialic tēnē ye bī looi, looi. Ku rin cī yen rot juaar arak tōk theer, kākkuan rec aaci wuōṅny wei ēbēn.

¹¹ Raan kāk Nhialic Itharel, aye kāñ nōk wāthēer akōlakōl bī yen Nhialic door. Ku aaye kāk tōñ thōñ juer Nhialic arak juēc. Ku kāk ye ke juaarkā aake cie adumuōōm ye nyaai. ¹² Ku Raan cī lōc ku dōc acī rot juaar arak tōk rin adumuōōm, ajuēr cī ye ben lēu bā awäckua nyaai akōlriēēc ēbēn. ¹³ Ku ēmēn atīt yet te bī Nhialic kōc aterde guir ku dhuk ke yecōk ciēen. ¹⁴ Ku ajuēr cī looi arak tōk, acī kōc cī adumuōōmken nyaai looi bik la cōk akōlriēēc.

¹⁵ Ku Wēi Nhialic ē jam tēnē yo ē wet kēnē aya. Acī lueel ēlä, ¹⁶ “Lōñ dōōr ba looi ke ke akīn nīn bī ben cōk, lueel Beny. Yen abī lōōñkie tāau kenhiim ku kepuōth.” ¹⁷ Ku ben lueel, “Yen acīi adumuōōmken ku kārec yekē ke looi ben kueec nhīim.” ¹⁸ Wek paan ē ma, kārackua aacī pāl piny papot. Na ye kēya, le det ŋot wic yok bāny bik yok aa nōk rin bī adumuōōmkua pāl piny?

Bāk lok tethiāk ke Nhialic

¹⁹ Kēya miethakāi, yok aacī nhīim läau alanden buk la Yōn Yaath apei ē Nhialic tō nhial, rin cī Jethu rot juaar bī nōk bī riemde kuēer. ²⁰ Wäär thou yen tim cī riū kōu, acī kēn yo gēl buk cīi la Yōn Yaath apei ē Nhialic ben rac. Ku jōt rot rañ yic, ku ēmēn arēer Yōn Yaath apei ē Nhialic ke lāñ Nhialic rienkua. ²¹ Ku na cuk la raandīt kāk Nhialic yen mac kōc Nhialic, ²² cīt mēnē ye kākku yith, lokku te rēer Nhialic thīn thōnyde nhom ē puōñ yer ku gam cīn yic diu. Lokku kek puōthkuan yer cīn yiic luoi kārec rin cī ke lōok riem Jethu. Ku rin cī yo muōc nhīim bā adumuōōmkua laak wei aya.

²³ Kēya, mukku kē cī thōn yo piān tōk ke yo cie puōth ē rou, rin añicku raan cī yo thōn ē wetde tieeñ nhom. ²⁴ Takku te bī yok yopuōth aa deet thīn, buk nhiēr ku luoi path aa nyuōth. ²⁵ Dukku kē ye yok yonhiim mat yodhie pāl cimēn ye wāmāthkuan kōk ye looi. Lok tuēñ yo cīi dhōr yo deet yopuōth, buk rōt aa lek buk aa ben amat yic, añicku Akōl ben Beny acī thiōk.

²⁶ Acīn kāk ye nāk Nhialic lēu bī adumuōōm pāl piny, te ŋot le yok tuēñ yo loi kārec ke yic cī lek yo. ²⁷ Kēya, yok aa dhil tiit yo riōc rin akōl ben Luñdīt, yok kōc cī wet Nhialic dhōl yic, yok aabī tem awuōc bī yok rēer pan mac akōlriēēc ēbēn. ²⁸ Añieckē, wāthēer te kueec raan bī lōñ Mothith cīi piñ, ku gōony kōc karou ayī kōc kadiāk, ka dhil yāth ē kōcđīt nhīim, ku biōōk aleel bī thou. ²⁹ Jālkē thōōñ, na ye raan cī lōñ Mothith dhōl yic tem awuōc cīt kēnē, ke ya awuōc yīndē bī Nhialic tem kōc cī kuec wet Wēnde? Acīt lōn cī kek Jethu dhōl guōp, ku cuitkē, ku witkē piny ku keckē yic. Ku acīt lōn cī kek dōōr cī Jethu looi riemde kamken yōōñ yic. Ku acīt lōn cī kek Wēi Nhialic läät wēl rec rem apei, cōk alōn kony yen ke. Kōckā aabī dhiel tem awuōc thiek apei. ³⁰ Añicku yen raan cī ye lueel theer ēlä, “Pieñkē! Ee yen ala riel ba kāñ guōōr.” Ku añicku lōn cī yen ye lueel aya ēlä, “Beny abī kacke tem awuōc.” ³¹ Kēya, abī rēec alanden te ye yen Nhialic pīr akōlriēēc ēbēn yen tēm raan awuōc.

³² Miethakāi, takkē ten ye wek rēer thīn wāthēer. Wäär cī wek wet Jethu gam, wek aa dhiel gum ku wek aacī puōth ben riel. Wek aakēc puōth ben bath rin kārec cī we yok. ³³ Wek aa we ye lat ku bui we akōldet. Ku akōldet, wek aa we ē kōc kōk kony te tiñ wek ke ke bañ cimēndun. ³⁴ Wek aacī gum kek kōc cī mac, ku wek aakēc puōth riāak te wäär ye kākku peec, rin ŋic wek yeen lōn wek aabī kāpath wār kākka la yok pan Nhialic. Kāpuōth cīn raan bī ke kañ nyaai tēnē we. ³⁵ Duōkkē puōth bath bāk wet Jethu wai wei, rin wek aabī ariōpdīt yok pan Nhialic. ³⁶ Apath bāk wepuōth deet te beñ we, rin ke wek aacī kē wic Nhialic looi, ku yōkkē kē cī Nhialic thōn we.

³⁷ Rin aye athōr theer wēl Nhialic lek yo ēlä, “Ee kaam thīn koor ku raan cī lueel ka bō acīi bī gāau, abī guō ben. ³⁸ Ku kōckien la cōk aabī rēer gam yic, ku yen acīi puōu bī miet te cīi kek kepuōth bī deet.” ³⁹ Ku yok aacīi cīt kōc guō dhōr bik mār, ku yok aala gam bī yook luōk.

Gam

11 ¹ Gam yen ē yo cōl añic kāk ŋōthku ke bī rōt looi. Ku yeen ē yo cōl añic kāk cuk ye tiñ. ²⁻³ Ee gam yen aye yok ye ŋic lōn ē cek Nhialic piny ku nhial kek kāk tō thīn ēbēn wet lueel ē path. Ku kāk yeku ke tiñ ēmēn acīn kēn cīi Nhialic lōōm bī yen ke cak. Ku wäär le wārkuān dīt gam tēnē Nhialic, yen acī Nhialic ke ben gam.

⁴ Ku gam yen acī Abel Nhialic ben juer kēpuōth cī Nhialic ben nhiaar apei, wār kē cī Kain menhē juaar tēnē Nhialic. Ku gamde yen acī Nhialic puōu ben miet tēnē ye. Ku ŋic Nhialic lōn ē yen raan la cōk. Kēya, kē cī Abel looi cī yen Nhialic gam apei añot yeku yok yopuōth ke path ēmēn te tek yok ye, cōk alōn cī yen thou theer. ⁵ Ku raan det la gam ril cīt Abel aya, ee ye Enok. Gamde yen acī Nhialic ye ben jat nhial ke kēc

thou. Guäpde akēc ben yök rin cī Nhialic ye nyaai. Aye athör theer wël Nhialic lueel lōn Enok ē ye Nhialic cōl amit puōu, wäär rēer yen pinynhom. ⁶ Acīn raan lēu ye bī Nhialic cōl amit puōu te cīn yen gam. Rin raan ben tēnē Nhialic athil gam lōn Nhialic atō thīn, ku ē kōc ye thiēec gām kē wickē.

⁷ Ku gam yen acī Noa wet Nhialic ben piņ, wäär lēk Nhialic ye ye lōn bī aboordīt ben bī kōc la gup adumuōm ben tem awuōc. Go Noa wet Nhialic gam. Ku gueņ riāi ka aboor kēc ben bī yen kacke kony. Ku gamde akēc yen käreec ye kōcken kōk ke looi ben nhiaar. Ku Noa acī Nhialic ben cōl ala cōk rin gamde.

⁸ Ku ee gam aya yen acōl Abaram agam kē cī Nhialic lek ye. Ku ler pan cī Nhialic lek ye cōk alōn awēn kuc Abaram ē pan kēnē. Pan kēnē yen ēcī Nhialic lueel lōn bī yen ye gām miethke aköldā. ⁹ Ku gam yen acī Abaram ben cieņ ke ya alei pan wäär cī Nhialic thōn ye. Ku jōl nōōth lōn bī Nhialic piny kēnē gām miethke aköldā. Ku jōl cieņ duel yiic. Ku lōk Ithāk kek Jakop cieņ thīn aya, kōc wäär cī Nhialic thōn lōn bī yen piny kēnē yiēk ke. ¹⁰ Abaram acī rēer ē pan kēnē ke tit gen cī Nhialic buth, yen cī Nhialic thōn ye cīi cīt duel.

¹¹ Ku ē gam cī Abaram Nhialic gam yen ē dhiēeth yen meth cōk alōn wäär cī yen dhiōp apei. Ku tieņde Thara ke cīi dhiēth. Acī nōōth lōn bī Nhialic athōnde tieņdē nhom. ¹² Na cōk alōn awēn cī Abaram dhiōp apei, bī raan ēbēn ŋic lōn cīi yen bī ben dhiēth, ke yeen acī ben a wundīt kōc juēc apei cīt liēet, ku kuel nhial cie kueen.

¹³ Kōckā ēbēn aaci gamden muk agut te thou kek. Keek aake kēc kāk cī Nhialic thōn ke yök. Ku aake yekē tiņ temec, ku gamkē ke ke mit puōth. Ku ē yekē lek kōc lōn aa rēer kecīt jōōl pinynhom ē ten, ke bī ber te cī lek ke. ¹⁴ Alēuku buk ŋic ēmēn lōn kōc jam kēlā, aaye kē nyuōōth lōn wīc kek pan bī ya panden. ¹⁵ Na yekē tak lōn ye pan cik nyāāņ wei panden, ŋuōt aaci dhuk thīn. ¹⁶ Ku acīk wīc kepuōth apei bik yet pan path, pan tō nhial. Ku Nhialic acie guōp ye yār te cōl ye, ke Nhialicden. Ku kēya, acī gen path guiir tēnē ke.

¹⁷⁻¹⁸ Ku gam yen ēcī Abaram rot guiir bī wēnde Ithāk nōk wäär them Nhialic ye. Yen Abaram raan cā athōn Nhialic yök, ee wīc bī manhden tōņ tō yenhom nōk, cōk alōn cī Nhialic ye lueel tēnē ye lōn ē Ithāk yen abī yīn mīth ca thōn yī yök tēnē ye. ¹⁹ Acī Abaram tak lōn bī Nhialic Ithāk jōt aköldā. Ku kēya, Abaram acī Ithāk yök ke cīt raan cī Nhialic cōl aben pīr.

²⁰ Ku gam yen acī Ithāk Jakop ku Ethau thōn dōc Nhialic rin kāk bik yök aköldā.

²¹ Ku gam yen acī Jakop wēet wēnde Jothep ben dōc wäär cī yen thiōk ke thou. Ke kääc ke cī yenhom guōt waiden ē yen piny thany, ku rōōk Nhialic. ²² Ku gam yen acī Jothep ye ŋic wäär cī thuōnde thiōk lōn bī kōc Itharel jāl pan Ijip. Ku lēk ke bik yuōmke cīi nyiēēņ pan Ijip aköldā le kek jāl.

²³ Ku gam yen acī kōc ke dhiēth Mothith ye ben thiaan pei kadiāk wäär cī ye dhiēeth. Ee cik tiņ ke ye manh path apei. Ku ke aake kēc riōōc wet kēc kek lōņ benyņaknhom pan Ijip theek.

²⁴ Ku gam yen acī Mothith ben kuec wäär cī yen dīt bī cīi ye cōl ke manh nyan benyņaknhom. ²⁵ Na cī wīc bī puōu ya miet, miet ē puōu cie ceņ ē ben luoi käreec yiic, ŋuōt acī rēer pan benyņaknhom. Ku acī ben nhiaar bī rēer kek kacke bī gum ke ke. ²⁶ Acī yök yepuōu lōn bī yen kāpath yök thīn te guum yen kuōc cieņdē rin ē kacke. Cīmēn wäär cī Raan cī lōc ku dōc gum, ten te bī yen kājuēc path yök pan Ijip. Rin ē ŋōth ariōp bī yök aköldā.

²⁷ Ku gam yen acī yen ben jāl pan Ijip ke cīi riōc riāāk puōu benyņaknhom. Ku le tueņ ke gum ciet cī Nhialic cie tiņ, tiņ. ²⁸ Ku gam yen acī Mothith wet Nhialic ben piņ. Ku guiir te bī kōc Itharel jiēl thīn pan Ijip. Ku lēk ke bik thōk nōk. Ku rōthkē yōōtken thook riem, rin na la atuny Nhialic bī mīth rōōr ke kōņ dhiēeth ben nōk, ke cīi mīth rōōr kai kōc Itharel met thīn.

²⁹ Ku gam yen acī kōc Itharel Wār Lual ben teem ke ciet cī dōu. Nawēn jōl wīc kōc Ijip bik ke buōōth, ke wār ben thiāņ ku moukē.

³⁰ Ku gam yen acī kōc Itharel pāny gen Jeriko ben göōt nin kadhorou abī wīk.

³¹ Ku gam yen akēc adējōņ cōl Rayāp ben nōk kek kōc gen Jeriko wäär nek ke, rin cī kek jai ē Nhialic. Rin yen Rayāp nhom ē cā anēm kōc Itharel lor ku nyuuc ke paande.

³² Kōc kōk juēc aya aa la gam. Acā lēu ba we lēk kāk cī kōc kōk looi, cīmēn yī Gidiōn, Barak, Thamthon, Jeptha, Debit, Thamel ku kōc kāk Nhialic tiņ. ³³ Ku gam yen acī kōc kōk bāny ben cop. Ku yen ŋic kōc kōk kōc mac. Ku yök kōc kōc kē cī Nhialic thōn kōc. Ku ē yen acī kōc kōc kōōr ben der thook. ³⁴ Kōc kōk kamken aaci mec ben nōk, ku riickē rōt bei ē paal thook. Kōc kōk ke niōp aaci ben riel apei tōņ yic. Ku copkē yōm apuruuk ē wuōt kōk. ³⁵ Rin gam yen acī Nhialic rōōk diāār ben gam, ku cōl kōcken cī thou aa ben pīr.

11:5Cäk 5:21-24 11:7Cäk 6:13-22 11:8Cäk 12:1-5 11:9Cäk 35:27 11:11Cäk 18:11-14; 21:2 11:12Cäk 15:5; 22:17; 32:12 11:13Cäk 23:4; 1Läk 29:15; Wk 39:12 11:17-18Cäk 22:1-14; Cäk 21:12 11:20Cäk 27:27-29, 39-40
 11:21Cäk 47:31; 48:20 11:22Cäk 50:24-25; B.bei 13:19 11:23B.bei 2:2; 1:22 11:24B.bei 2:10-12 11:27B.bei 2:15
 11:28B.bei 12:21-30 11:29B.bei 14:21-31 11:30Joc 6:12-21 11:31Joc 2:1-21; 6:22-25 11:32Bāny 6:11-8:32; 4:6-5:31; 13:2-16:31; 11:1-12:7; 1Tha 16:1-1Bņ 2:11; 1Tha 1:1-25:1 11:33Dan 6:1-27 11:34Dan 3:1-30

Ku kōc kōk aaci ben aa gum ke cī kenhīim waar, rin bī ke jōt aköldä. ³⁶ Kōc kōk aya aake ye läät ku that ke. Ku kōc kōk aake ye rek ku mac ke. ³⁷ Ku kōc kōk aake ye biōök aleel. Ku kōc kōk aake ye tem kōth ē rou. Ku kōc kōk aake ye tem rōt paal. Kōc kōk acin kē yekē cien, aa kōt kek aake yekē kuōm kekōth. Kōc kōk aake ḡōḡ, ku aake ye baḡ ku kuc ke ciēēḡ. ³⁸ Kōckä ēcīi path bik cien pinynhom. Aake ye piny kuany yic ē path roor lieet. Ku ciēḡkē adhuum yiic, ku kuōr yiic ku gat yiic.

³⁹ Ee ḡic lōn le kōckä ēbēn gam. Ku acin raan tōk kamken ca athōndit Nhialic ben yōk. ⁴⁰ Nhialic ēcīi kēpath guiir ke ḡic ḡo. Kēya, bī ke nhīim ku ḡo looi buk la cōk ḡodhie.

12 ¹ Kēya ēmēn, ḡok aa ḡic kōc juēc wäär cī gamden nyuōth tēnē Nhialic. Ku rin ē wet kēnē pālku kāk ḡo thel adumuōōm yic, adumuōōm yeku ke lac looi. Ku aa ḡo ḡel buk dhēl Jethu buōōth yic. Lok tuēḡ ḡo weer ke ḡo cīi dhōr buk kē cī Nhialic guiēr ḡo dōōt. ² Yeku rēēr ḡo dōt Jethu raan cī ḡo nyuōth dhēl ku gam la cōk. Ku rin miet puōu bī yōk, yen aci yen ye gam bī thou tim cī rīiu kōu. Ku cīi kuc bī kē looi cīi pāl, cōk a wäär ye ke ye yōōr ḡuōp. Ku ēmēn a rēēr kōḡ cuēc thōny Nhialic.

³ Takkē te cī Jethu guum thīn tēwäär ye kōc kēc wet Nhialic gam ye gaany thīn akōlakōl, rin bī wek cīi dhōr ku baathkē puōth. ⁴ Rin aḡot cīn raan cī nōk, ayī raan cī yiēc tetōk kamkun kōc cie wetdun ye gam.

⁵ Cāk nhīim mää r wēēt puōth ye Nhialic we wēet ke we cīt miethke?

“Manhdie, cōk yīpuōu piny te wēēt Nhialic yīin,

ku duk cōl aye kērac te nyieeny yen yīin.

⁶ Rin Nhialic ee kōc nhīēr keek cōk piny.

Ku ee kuat raan cī gam kecīt manhde tem awuōc.”

⁷ Guōmkē käreec kecīt wēēt Nhialic tēnē we, rin ē yen we cōl acīt miethke. Nadē cāk kaḡ piḡ le manh kēc wun kaḡ that rin wīc yen ye bī wēet? ⁸ Na cīi Nhialic we yīk awuōc wēēt yen we cīmēn adhie ye wun mīth miethke wēet, ke wek acie miethke. ⁹ Cīmēn ye ḡok ḡot ḡo thek wārkuu pinynhom ē ten te cōk kek ḡo that, cuk bī lēu alanden buk rōt thōn Nhialic, wun weikua ku pīr te wēēt yen ḡo? ¹⁰ Wārkuu aa ḡo wēet te kor ḡok buk ḡiec cien kam kōc run lik pinynhom ē ten, cīt te yekē yōk ye ke path. Ku Nhialic ē ḡo wēet akōlakōl rin kāpuōth buk yōk buk dhēḡde rōm kek ye. ¹¹ Wēēt acie ḡuō nhīaar nyin yic, aye yōk ciet rēec. Na lä theer, ke kōc cī tem awuōc aa la cōk ku yekē kōc ē dōōr.

¹² Kēya, duōkkē riōc lak tuēḡ ke we deet wepuōth. ¹³ Biathkē dhēl la cōk yic, bī kōc koor gam riel gamden yic. Ku cik mer wei wecōk.

¹⁴ Miethakāi, themkē bāk ḡiec cien ke kōc ēbēn, bāk rēēr dhēḡḡ Nhialic yic. Rin raan liiu dhēḡḡ Nhialic tēnē ye aci bī kaḡ tiḡ. ¹⁵ Muōkkē wenhīim bī cien raan cīi dhēḡḡ Nhialic yōk. Ku tiērkē nhīim paan ē moor bī cien raan loi kērac met we wei ēbēn. Aḡieckē, ee dien tōk yen ē wār rac nyin. ¹⁶ Acīi path bī raan yepuōu ya yiēc bal. Ku cīn raan loi rot bī yic pial cīmēn Ethau wäär pel dietde tēnē raan buōth ye, rin cī yen ye ḡam mieth koor ē path. ¹⁷ Ku aḡieckē wäär wīc Ethau ye bī la tēnē wun bī la dōōc ku bī dietde dhuōk ciēēn, ku akēc dōc ben yōk tēnē wun. Kēnē akēc rot ben lēu bī waar yic cōk a wäär cī yen dhīau piū ē nyin.

¹⁸ Wek aa kēc ben we cīt kōc Itharel wäär cī la ḡon Thīnai cōk. Ku tiḡkē manydīt apei ke dep. Nawēn ke tiḡ luāāt aya ke cī ḡot paat piny ku looi muōōthdīt, ku yomdīt apei. Ku ye bir yic ku meer apei abīk riōōc ēbēn

¹⁹ Ku piḡkē kaḡ yic ku rōl la ḡei. Aaci Nhialic piḡ ke jam rōldīt apei, nawēn ke lēkkē Mothith bī Mothith Nhialic lōḡ bī cīi ben jam tēnē ke. ²⁰ Ku aaci jāl ben riōōc apei tēwēn piḡ kek Nhialic rōl ke lēk ke ēlä, “Acin raan yēēt ē ḡon kēnē cōk, na cōk a lei ku le nhial ye ka biōōk aleel bī thou.” ²¹ Agut Mothith aci ben riōōc aya apei wēn looi kākā rōt abī ya lueel, “Yen aye riōōc lath.”

²² Wek aa kēc ben ḡon Thīnai lōōm. Wek aaci ben ḡon Dhain lōōm, yen cī Jeruthalem ē yam gen Nhialic pīr buth yenhom. Wek aaci ben yan miet puōu dīt yic tō atuuc Nhialic juēc apei thīn. ²³ Wek aaci ben tēnē Nhialic yen luk looi tēnē kōc ēbēn. Ku tēnē wēi kōc path cī Nhialic looi bik la cōk. ²⁴ Wek aaci ben tēnē Jethu cī lōḡ dōōr ē yam looi. Acī rīemde juaar rin bī Nhialic adumuōōmkua pāl piny, rim cīi thōḡ kek rim Abel wäär thiēc ē guur.

²⁵ Wek aa yōōk bāk cīi kuc wet raan jam. Kōc wäär cī kuc bik wetde cīi gam pinynhom ten aakēc ben puōl ke cīi tēm awuōc. Na ye kēya, buk poth kēdē, ḡo cīi tēm awuōc te cīi ḡok wet cī Nhialic jam tēnē ḡo nhial piḡ? ²⁶ Wäär rōlde ḡon Thīnai ēcīi piny yāäk. Ku ēmēn aci kōc lek ēlä, “Acie pinynhom rot yen ba yāäk, yen abī nhial yāäk aya.” ²⁷ Ku det aya, kē ye wēlkā nyuōth ē lōn kāk cī cak aabi rōt yāäk ku nyieei ē keek. Ku dōḡ kāk cīi lēu bī ke yāäk.

11:351Bḡ 17:17-24; 2Bḡ 4:25-37 11:361Bḡ 22:26-27; 2Lēk 18:25-26; Jer 20:2; 37:15; 38:6 11:372Lēk 24:21

12:5-6Jop 5:17; Keḡ 3:11-12 12:12Ith 35:3 12:13Keḡ 4:26 12:15L.rou 29:18 12:16Cāk 25:29-34

12:17Cāk 27:30-40 12:18-19B.bei 19:16-22; 20:18-21; L.rou 4:11-12; 5:22-27 12:20B.bei 19:12-13 12:21L.rou 9:19

12:24Cāk 4:10 12:25B.bei 20:22 12:26Yag 2:6

²⁸ Kēya, yōk aa kōc cī Nhialic yiēk pan cīn kē bī ye yāāk atheer. Lecku Nhialic ku dorku dhēl ye col amit puōu, ku rēerku ke thekku ku riōōcku ē ye. ²⁹ Rin ye Nhialic kōc tem awuōc thiek apeī, acīt many adhie kēriēec ēbēn ruōōc piny.

Te ye Nhialic miēēt puōu thīn

13 ¹ Lak tueṅ we nhar rōt akōlakōl ke we cīt mīth tik. ² Lor jōōl ē puōn yer ku nyuōōc keek apath. Rin cī kōc kōk atuuc Nhialic kaṅ lor ke kuckē ke. ³ Duōkkē nhīim ye mār kōc mac ku kōc gum. Yakē ke kony ciet we mac ku guōōmkē ke ke.

⁴ Thiēek adhil raan ēbēn theek, rōōr ku diāār aa dhil rōt theek kamken bī cien raan dēek ṅek puōu. Nhialic abī kōc cī rot thiaak ē luui akōr tem awuōc, ku kōc kēc thiēek luui kāk ē bal aya.

⁵ Duōkkē ye wīc wepuōth bāk la kājuēc apeī, ye kēdun muk yen ye yiēk yīpuōu rot. Acī Nhialic lueel theer ēlā, “Wek aacā bī kaṅ pāl wei, ku wek aacā bī nyāāṅ wei.” ⁶ Na ye kēya, rēerku ē cōk ku ṅōthku Nhialic, ku yeku lueel ēlā, “Ee Nhialic yen ē yēn kony, acīn kē ben ya riāac. Le raan lēu ye ba luōi kērac?”

⁷ Duōkkē nhīim mār kōcdīt tueṅ wāār we lek wēl Nhialic. Takkē apath yen te pīr kek thīn ayet te thou kek. Luōōikē cimēnden gam yic. ⁸ Jethu Krītho acie rot ye waar. Ee yen tōṅ akōl wāār ku ya akōl ku akōlriēec ēbēn. ⁹ Duōkkē rōt col aa rēc ē nhīim piōōc juēc kōc gōi ye lueel lōn cīi mīth kōk bī ya cam. Wek aa dhil wepuōth wel dhēēṅ Nhialic ku acie mīth ye cam cīn kē yekē kuōny wēi kōc ke cam.

¹⁰ Ajuēr ye looi bī yō awaar kārēc yīic, acīt ajuēr lōṅ dōōr wāār ye looi bī adumuōōm pāl piny. Ku acīn raan ye puōl agut kōc kāṅ juaar tēnē Nhialic duēl yic bīk rīiṅ lān cī nōk cuet. ¹¹ Rin raandīt kāk Nhialic ē ye riem lān cī juer Nhialic yāth te yaath duēl yic rin bī adumuōōm pāl piny. Ku lān cī nōk ē ye nyop roor abī ya col. ¹² Ku Jethu aya, ee thou geu kōu ayeer Jeruthalem. Tewēn nek ye ēcī riemde kuēr rin bī adumuōōmkua pāl piny. ¹³ Kēya, dhilku biaath ayeer aya geu kōu buk yār guōp wāār cī guum la rōm kek ye. ¹⁴ Kēnē adhilku looi, rin pinyhom te ciēṅ yōk thīn acie yen te bī yōk cieṅ thīn atheer. Yōk aa tit gen yam yen bī ben. ¹⁵ Kēya, cīt mēnē cī yōk Jethu gam, yeku Nhialic leec akōlakōl. Rin lec ye yōk ye leec piāthkua ēbēn, yen ajuērdan ye nyuōōth lōn ye yen Beny. ¹⁶ Duōkkē nhīim mār luōi kāpath, ku kē ye wek rōt kony kamkun, rin kākā kek ajuēr Nhialic col amit puōu.

Thek kōckun dīt wēl Nhialic

¹⁷ Thek kōckun dīt wēl Nhialic, ku piṅ te ye kek yī wēt thīn, rin ye kek kōc tit weiku. Ku anjickē lōn bī Nhialic ke thiēec akōldā te cī kek wēi kōc tiet thīn. Na thek ke ku gam wetden, ka bī luōiden looi ke mit puōth. Ku na cī wetden piṅ ka luui ke rem puōth. Ku na cīk ṅic luui apath, ke la kē kuny kē yī? ¹⁸ Yakē rōōk rienkua. Acīn kērēec rēer yōpuōth. Awīcku bī ya kēpath yen yeku looi akōlakōl. ¹⁹ Wek aa liem piāndie ēbēn bāk rōōk bī Nhialic ya col adhuk tēnē we ye nīnkā.

Rōōk ciēen

²⁰ Ku ēmēn, bī Nhialic rēer kek dōōr, yen cī Bānyda Jethu col aben pīr, week yiēk kāk wiēckē ke bī wek kēden wīc looi. Ku bī luui wepuōth riel Jethu raan cī lōc ku dōc, ²¹ bī wek kuat kāk ye miēēt puōu ya looi. Jethu yen abiōṅdīt rin cī yen lōṅ dōōr akōlriēec cī thany riemde looi. Bī diik ya kēde akōlriēec ēbēn. Yenakan.

Wēl ciēen

²² Miethakāi piēṅkē wēl lik deet wepuōth ca lek we apath. Rin athōr ca gāt we aciek. ²³ Awiēc bāk ṅic aya lōn wāmāāthda Timothī acī lony ē nīnkā. Na lōc ben bā dōōt, ke yōk aabī cath ē tōk buk we la neem.

²⁴ Miāthkē kōckun dīt ku kōc kōk cī wet Nhialic gam ē rienkua. Wāmāthakua pan Italia aa we muōōth aya.

²⁵ Bī dhēēṅ Nhialic rēer kek we ēbēn.